



Menningar-, íþrótt- og tómstundaráð
Ráðhús Reykjavíkur
101 Reykjavík

Skipun fulltrúa í innkaupanefnd Listasafns Reykjavíkur

Í samræmi við hjálagða samþykkt Listasafns Reykjavíkur, III kafla, þá er innkaupanefnd skipuð þremur einstaklingum sem hafa yfirgripsmikla þekkingu á myndlist: Safnstjóra og tveimur einstaklingum sem skipaðir eru af menningar-, íþrótt- og tómstundaráði til tveggja ára í senn að fenginni tillögu safnstjóra og umsögn sviðsstjóra menningar- og ferðamálasviðs.

Annan þessara tveggja einstaklinga tilnefnir stjórn Sambands íslenskra myndlistarlistarmanna (SÍM). Fulltrúi SÍM lauk sínu tímabili um áramót og er því tímabært að skipa nýjan, sjá hjálagða tilnefningu SÍM. Sá háttur er hafður á að ekki er skipt samtímis um báða fulltrúa en nú er staðan hins vegar þannig að fulltrúi sem var skipaður samkvæmt tillögu safnstjóra um áramót 2020-21, Aldís Arnardóttir, hefur verið ráðinn til starfa hjá Listasafni Reykjavíkur, sem skapar hagsmunaárekstra. Því er óskað efir því að ráðið staðfesti skipun nýs fulltrúa sem lýkur hennar tímabili, sjá hjálagða tilnefningu Listasafns Reykjavíkur.

Virðingarfyllt

Huld Ingimarsdóttir

starfandi sviðsstjóri menningar- og ferðamálasviðs


Samrit:

Hjálagt:

SÍM_Tilnefning í innkaupanefnd Listasafns Reykjavíkur 2022

LR_Tilnefning í innkaupanefnd Listasafns Reykjavíkur 2022

Samþykkt fyrir Listasafn Reykjavíkur



Reykjavík, 10. febrúar 2022

Menningar-, íþrótt- og tómstundaráð Reykjavíkurborgar

Erindi: Skipun fulltrúa í innkaupanevnd Listasafns Reykjavíkur.

Safnstjóri Listasafns Reykjavíkur gerir þá tillögu til menningar- íþrótt- og tómstundaráðs að myndlistarmaðurinn **Birgir Snæbjörn Birgisson** (kt. 130566-3679) verði skipaður í innkaupanevnd safnsins til loka yfirstandandi árs. Birgir verði skipaður í stað Aldísar Arnardóttur (kt. 220570-5689) sem skipuð var í upphafi árs 2021 og sitji út skipunartíma hennar. Tillaga þessi er gerð í samráði við starfandi sviðsstjóra.

Samkvæmt samþykktum fyrir Listasafn Reykjavíkur skipar ráðið tvo fulltrúa í innkaupanevnd safnsins til tveggja ára í senn. Annan þessara tveggja einstaklinga er skipaður að fenginni tillögu safnstjóra og umsögn sviðsstjóra. Hinn skal stjórn Sambands íslenskra myndlistarmanna (SÍM) tilnefna.

Virðingarfyllst,

Ólöf Kristín Sigurðardóttir
safnstjóri



Reykjavík 19. janúar 2022.

Menningar-, íþrótt- og tómstundaráð Reykjavíkurborgar

Ráðhús Reykjavíkur
Tjarnargata 11
101 Reykjavík

Efni: Tilnefning í innkaupanefnd Listasafns Reykjavíkur.

Stjórn SÍM tilnefnir hér með Bryndísi Björnsdóttur, myndlistarmann í innkaupanefnd Listasafns Reykjavíkur til næstu tveggja ára.

Bryndís Björnsdóttir, kt. 110783-3969, Bogahlíð 15, 105 Reykjavík
email: bryndisbjorns@gmail.com

Virðingarfyllst,
f.h. stjórnar SÍM

Annar Eyjólfsson, formaður

Afrit: Ólöf Kristín Sigurðardóttir, safnstjóri

Samþykkt fyrir Listasafn Reykjavíkur

I. KAFLI

Um stjórnun safnsins og verkefni þess.

1. gr.

Listasafn Reykjavíkur er í eigu Reykjavíkurborgar. Menningar- og ferðamálaráð Reykjavíkur fer með hlutverk stjórnar safnsins og gerir tillögur til borgarráðs um stefnumörkun í málefnum þess og hefur eftirlit með rekstri og að samþykktum og stefnu sé fylgt. Stjórn þess er að öðru leyti í höndum safnstjóra. Rekstrarkostnaður safnsins greiðist úr borgarsjóði í samræmi við fjárhags- og starfsáætlun ár hvert. Safnið er ekki rekið í hagnaðarskyni.

2. gr.

Listasafn Reykjavíkur starfar samkvæmt safnalögum nr. 141/2011 og lögum um skil menningarverðmæta til annarra landa nr. 57/2011. Safnið og stjórn þess starfa í samræmi við siðareglur ICOM, Alþjóðaráðs safna.

3. gr.

Listasafn Reykjavíkur skal varðveita listaverkaeign Reykjavíkurborgar með þeim hætti að borgarbúar og aðrir gestir hafi sem bestan aðgang að þeim listaverkum sem borgin hefur eignast. Listaverkaeign Reykjavíkurborgar samanstendur af sérsöfnum listaverka sem eru merkt Ásmundi Sveinssyni, Erró og Jóhannesi S. Kjarval, almennri listaverkaeign borgarinnar og myndverkum á almannafæri.

Helstu verkefni Listasafns Reykjavíkur:

1. Listasafn Reykjavíkur skal hafa yfir að ráða svo fullkomnu safni íslenskrar myndlistar sem unnt er, skrá það, varðveita og sýna. Leitast skal við að afla verka sem endurspeгла sem best strauma og stefnur í íslenskri myndlist á hverjum tíma.
2. Listasafn Reykjavíkur skal rannsaka eftir föngum íslenska myndlist, einkum með tilliti til þeirra sérsafna sem eru í eigu borgarinnar. Listasafn Reykjavíkur skal sinna fræðslu um myndlist, innlenda og erlenda, m.a. með sýningarhaldi, fyrirlestur, leiðsögn um safnið, útgáfu mynda, kynningarrita eða með öðrum þeim hætti sem henta þykir í samræmi við fjárhags- og starfsáætlun ár hvert.
3. Listasafn Reykjavíkur skal efna til kynninga á verkum safnsins og starfsemi þess, m.a. með leigu listaverka til borgarstofnana og útlánum til sýninga utan safnsins.
4. Listasafn Reykjavíkur hefur umsjón og eftirlit með myndverkum á almannafæri í eigu borgarinnar.
5. Listasafn Reykjavíkur skal stuðla að því að borgarbúum og öðrum gestum safnsins sé gert kleift að fylgjast með því sem er að gerjast í myndlist.

4. gr.

Listasafn Reykjavíkur skal opið almenningi á auglýstum tímum.

Safnið og starfssemi þess skal kynnt almenningi, ferðamönnum og nemendum í samráði við skólayfirvöld í Reykjavík.

Listasafni Reykjavíkur er heimilt að taka aðgangseyri og gjald fyrir veitta þjónustu í samræmi við fyrirmæli í 19. gr. safnalaga nr. 141/2011. Gjöld skulu innheimt samkvæmt gjaldskrá sem staðfest er af borgarstjórn. Allur arður af starfsemi safnsins rennur til safnsins sjálfs.

5. gr.

Sviðsstjóri ræður safnstjóra til fimm ára að viðhöfðu samráði við menningar- og ferðamálaráð. Hann skal hafa sérfræðimenntun og staðgóða þekkingu á myndlist og starfsemi/rekstri listasafna. Starfið skal auglýst samkvæmt samþykkt um stjórn Reykjavíkurborgar. Sviðsstjóri getur ákveðið að framlengja ráðningu safnstjóra einu sinni til næstu fimm ára að höfðu samráði við menningar- og ferðamálaráð.

Safnstjóri ber ábyrgð á rekstri og stjórnsýslu safnsins, þ.m.t. fjármálum, starfsmannamálum og á framkvæmd ákvarðana menningar- og ferðamálaráðs. Safnstjóri ber ábyrgð á faglegri starfsemi safnsins, skipuleggur sýningar þess og ber ábyrgð á viðhaldi búnaðar safnsins í samráði við Umhverfis- og skipulagssvið Reykjavíkurborgar.

II. KAFLI

Um safn Ásmundar Sveinssonar.

6. gr.

Safn Ásmundar Sveinssonar er hluti af Listasafni Reykjavíkur. Safnið er að Sigtúni 60, í byggingu sem áður hýsti vinnustofur og íbúð Ásmundar Sveinssonar.

7. gr.

Sérstök stjórn fjallar um málefni safnsins og starfar í umboði menningar- og ferðamálaráðs. Stjórnina skipa fjórir stjórnarmenn. Eru þrír þeirra kjörnir af menningar- og ferðamálaráði til fjögurra ára í senn. Skal einn stjórnarmanna vera formaður menningar- og ferðamálaráðs og er hann jafnframt formaður stjórnarinnar. Fjórdi stjórnarmanninn tilnefna afkomendur Ásmundar Sveinssonar sameiginlega meðan höfundarréttur að verkum hans helst í þeirra eign.

Stjórnin skal taka endanlegar ákvarðanir um málefni sem varða verk Ásmundar Sveinssonar, m.a. um varðveislu höggmynda, stækkun/minnkun verka og gerð afsteypa af þeim að fenginni heimild höfundarréttarhafa. Stjórnin skal halda gerðabók og senda eftirrit fundargerða til staðfestingar til menningar- og ferðamálaráðs.

Séu gerðar afsteypur í fjáröflunarskygni af verkum í eigu safnsins skal álagning nema a.m.k. jafnhárra upphæð og höfundarlaun, sem renna til réttihafa höfundarréttar á meðan hann varir skv. lögum um höfundarrétt.

Launakostnaður stjórnarmanna skal greiddur af fjárveitingu til Listasafns Reykjavíkur.

8. gr.

Um höfundarlaun skal samið við réttihafa hverju sinni. Þeir einir geta heimilað stækkun/minnkun einstakra verka eftir Ásmund Sveinsson og gerð afsteypa á meðan höfundarréttur varir.

9. gr.

Frummyndir í safninu skal ætíð varðveita þar eða í tryggum geymslum á vegum þess. Safnstjórn skal þó heimilt að lána einstakar myndir úr safninu um takmarkaðan tíma til sýninga annars staðar og sömuleiðis ef unnið er að stækkun/minnkun þeirra eða gerð afsteypa.

III. KAFLI

Um innkaupanefnd listaverka: Listaverkakaup og gjafir.

10. gr.

Sérstök innkaupanefnd annast kaup listaverka til safnsins í samræmi við fjárheimildir í fjárhagsáætlun Reykjavíkurborgar. Þá getur safnstjóri ráðstafað allt að 20% af ráðstöfunarfé til kaupa innlendra verka án afskipta nefndarinnar.

Innkaupanefnd skal skipuð þremur einstaklingum sem hafa yfirgripsmikla þekkingu á myndlist: Safnstjóra og tveimur einstaklingum sem skipaðir eru af menningar- og ferðamálaráði til tveggja ára í senn að fenginni tillögu safnstjóra og umsögn sviðsstjóra menningar- og ferðamálasviðs. Annan þessara tveggja einstaklinga skal stjórn Sambands íslenskra myndlistarlistarmanna (SÍM) tilnefna.

Meirihluti atkvæða ræður úrslitum mála í innkaupanefnd. Verði ágreiningur um kaup listaverks milli safnstjóra og annarra nefndarmanna skal skjóta málinu til menningar- og ferðamálaráðs til endanlegrar ákvörðunar.

Við val listaverka til safnsins ber að fara eftir listrænu gildi þeirra.

Innkaupanefnd skal einnig vera til ráðgjafar um listaverkakaup borgarstofnana. Innkaupanefnd skal ársfjórðungslega gera menningar- og ferðamálaráði grein fyrir innkaupum listaverka og listaverkagjöfum sem borist hafa til safnsins.

Laun innkaupanefndarmanna skulu greidd af fjárveitingu til Listasafns Reykjavíkur.

11. gr.

Innkaupanefnd fjallar um gjafir sem safninu eru boðnar og metur hvort þær skuli þegar. Þótt safnið veiti listaverki viðtöku sem gjöf má það eigi takast á hendur kvaðir um aðra meðferð þess en annarra listaverka safnsins; þó getur borgarráð veitt undanþágu frá þessu ákvæði ef sérstök rök mæla með því. Gjöf skal fylgja gjafabréf. Gjafir og fjárframlög til safnsins eru frádráttarbær til skatts, sbr. ákvæði laga um tekjuskatt nr. 90/2003.

IV. KAFLI

Um myndverk á almannafæri.

12. gr.

Innkaupanefnd annast kaup myndverka til uppsetningar á almannafæri í samræmi við fjárheimildir í fjárhagsáætlun Reykjavíkurborgar.

13. gr.

Safnstjóri gerir tillögur til menningar- og ferðamálaráðs um staðsetningu myndverka á almannafæri að höfðu samráði við garðyrkjustjóra Reykjavíkur. Menningar- og ferðamálaráð gerir tillögur til borgarráðs um staðsetningar myndverka á almannafæri, að fenginni umsögn umhverfis- og skipulagsráðs.

V. KAFLI

Heimild til sölu listaverka úr eigu borgarinnar.

14. gr.

Óheimilt er að selja eða farga safngripum nema ríkar ástæður séu til á grundvelli grisjunaráætlunar sem höfuðsafn samþykkir, sbr. 17. gr. safnalaga nr. 141/2011, og að fengnu samþykki menningar- og ferðamálaráðs. Hagnaði af sölu verka skal varið til kaupa á öðrum verkum er þykja æskilegri fyrir safnið.

Óheimilt er að selja eða láta á annan hátt af hendi listaverk úr eigu borgarinnar sem þegin hafa verið að gjöf.

VI. KAFLI

Ráðgjafahópur, heimild til að setja á stofn styrktarfélag o.fl.

15. gr.

Menningar- og ferðamálaráð getur skipað ráðgjafahóp sem starfar tímabundið að ákveðnum verkefnum með safnstjóra. Safnstjóri skal koma með tillögur að slíkum hóp/hópum og þeim einstaklingum sem í honum/þeim starfa.

16. gr.

Heimilt er að stofna styrktarfélag við Listasafn Reykjavíkur. Skal aflafé þess sett í sérstakan sjóð og varið til afmarkaðra verkefna, t.d. til kaupa á verkum til sérsafna listaverka Ásmundar Sveinssonar, Errós og Jóhannesar S. Kjarvals. Slíkt fé skal ekki dragast frá þeirri fjárhæð, sem er árlega ætlað til starfsemi safnsins eða listaverkakaupa í fjárhagsáætlun borgarinnar.

VII. KAFLI

Um ráðstöfun safnkosts verði safnið lagt niður eða rekstrarformi breytt.

17. gr.

Verði safnið lagt niður eða rekstrarformi breytt skal borgarráð ráðstafa safnkosti þess að fenginni tillögu menningar- og ferðamálaráðs í samráði við Listasafn Íslands, sbr. 12. gr. og 16. gr. safnalaga nr. 141/2011. Öðrum eignum verður ráðstafað að höfðu samráði við mennta- og menningarmálaráðuneyti.

Samþykkt í borgarstjórn 19.11.2013. Jafnframt fellur þá úr gildi samþykkt fyrir Listasafn Reykjavíkur er samþykkt var í borgarstjórn 5.6. 2012.

Samþykkt í borgarstjórn 19. 11. 2013